

# Ang Pilipinas

ni P. G. A.

Sa gawing silangan ng ating daigdig  
Makikita'y pulu-pulong parang isinabog  
na mga binhi;  
Ang nanaka'y mga liping kayumanggi  
Mga lahing Pilipino ang kanilang  
taguri.

Bawa't pulo'y sagana sa luntiing halaman;  
Sagana sa isda ang bughaw na karagatan;  
Mabini ang simoy ng hanging amihan  
Na dumampi sa pisngi ng malawak  
na parang.

Perlas ng Silanganan kung tawagin ng  
mga dayuhang  
Naakit pumarito't naghasik ng  
kabihasnan,  
Upang ang mga Pilipino'y magmulat  
sa karunungan  
At gawing huwaran sa mga  
karatig-bayan.

Iwinawagway ang bandila ng  
iba't-ibang kapangyarihan  
Sa hangad na maibsan ang  
tinik ng kawalang-muwang;  
Itinirik ang tanda ng Kakristiyanuhan  
Na batid sa atin ng isang dayuhan.

Natuto tayong sumamba, sumampalataya  
Ng isang Diyos na nagbibigay-biyaya;  
Nalalaman nating Siya ang May-Likha  
Ng lahat ng kagandahang sa baya'y  
nangalipana.

Namulat tayo sa katotohanang  
Sa lahat ng nilikha'y Siya  
ang Makapangyarihan;  
At ang buhay natin ay hiram lamang  
Kung kailan babawii'y Siya ang  
nakakaalam.

Nalalaman nating ang tao'y pantay-pantay.  
At magiging alabok kung siya'y  
mamamatay;  
Kung ang tao'y matutong kumilala sa  
Kanya  
Sa Langit ay may naghibintay na  
Ligaya.

Pananampalataya'y handog ng Maykapal,  
Gawin nating patnubay at nang  
di mabuwal,

Halika't lulubod tayo't usal ng dalangin  
ng isang pasasalamat sa biyaya  
Niya sa atin.

## ANG TINIG, ILAW AT DALANGIN

Tinig:

Sa mundo'y may panghaling  
Tao'y nakalimot  
Pinalabo ang isip  
Diwa'y pinahimbing  
Tinig ang panggising  
Sa isip na mahimbing.

Ilaw:

Ilaw na binusilak  
Kusang tumatanglaw  
Sa dilim ng dibdib.

Dalangin:

Dalangin ko'y ilipad mo  
Sa kaitaan  
Upang makarating  
Sa Iyong paanan.